


AR C'HLEUZ ALAURET

HAC

AN TOUR DANTELEZET
*Var eun ton Galec.*

ER Finistèr e zoun bet ganet,
He Castel-Paol eo man va brò ;
Ar vrò güella a ouffet cavet,
Ha caera Tour zo tro vardro.
Me o c'harie, me o admire,
Qenlies deiz ro Doue, me lavare :
Me gar va C'hleuz alaouret,
Va Zour dantelezet.

Mes, pa voe rentet din ar c'hélou
E zoa ret quïttat va mestrez ;
Ha mont da heuill an tabourinou,
Dilezel tad ha tieguez,
Me meus changet ha lavaret :
Oh ! n'antàn get, n'antàn get, n'antàn get. . .
Güell eo va C'hleuz alaouret,
Va Zour dantelezet.

Hac e vijen-me en em fañlet ?
Senti d'an urz me a ranqe.
Tud mechant a rê scouarn calet
Oc'h va dañlou, va c'hlémou-me,
Hac e c'hœarzet, e voa paet,
O lavaret : Yvonic ? n'antàn get !
Adieu va C'hleuz alaouret,
Va Zour dantelezet.

En dèspet dîn-me, er rejimant,
En exerciç, Yvonic paour !
N'em boa na gout nac ententament
D'anaout james *droite, demi-tour* ;
Hac e trôen evel ma sonjen,
Dre ma trôen, gant anqen e clasqen
Güelet va C'hleuz alaouret,
Va Zour dantelezet.

Diouc'h ar gamel tam ne brofiten,
Tread, qen a güezen eus va za,
O vont varlerc'h ar c'horf me chomme
Bep cant bas d'en em discuiza
Hac e voelen, dre ma sonjen
Marteze qen birviquen ne veljen,
Siouas ! va c'hleuz alaouret,
Va Zour dantelezet !

« D'ar paotr-mâ n'eus nemet eur remed,
(Eme'n doctor) : eur c'hônje mad ;
« Güelit-en... entrezec ar vèred
« E qerz ar c'heas paour timad.
« Ha great e voe var ar guer-ze
« Dal da gonje qea d'ar guer-lesse
« Da gaout da Gleuz alaouret,
« Da Dour dantelezet. »

O va brô gueaz ! ô brô beniguet !
Getu me distro en ho creiz !!!...

Ra vezo da vigen miliguet
Ar re am c'hasfe deus va Breiz !
O va Zad paour ! ô va Mam guez !
O Jantonie, va anter-tieguess !
Gloar d'hor C'hleuziou alaouret !
D'ho Tour dantelezet !

Bremàn cetu me em zieguez,
Gant Jantonie, va greguic coant ;
Eur greguic douç, leun a vadelez :
A ra pep tra hervez he c'hoant.
Beza hor bo bugaligou
A vezo coantic evel c'eligoù.
O va C'hleuziou alaouret !
O Tour dantelezet !

Hac'eu zo boneur pâr d'am hini ?
Nan m'en assur, a dra certain :
Ne meus mui aoun deus an ennemi,
Ha n'em bezo tanfoultr biçen,
N'eus general, na corporal
A ell gûelet eveldôn-me ractal
Qer caër C'hleuziou alaouret,
Na Tour dantelezet.

C'houi, soudardet va regimant,
Qersit oll d'ar victor atao ;
Pepini en deus e zantimant ;
M'en em gar gant Jantonie brao.
C'houi a redo pell dre bep brô,
Ha me chommo amàn bete 'rmaro,
Gant va C'leuziou alaouret,
Va Zour dantelezet.

Mes mar teufe biçen ar Zaazon
Da attaqui va brô qer Breiz,
Eleal neuze, en gûir Breton,
Me en tou amàn var va feiz,

Qerqent e ven güir tor e ben,
Gant va Jantonie, hon daou o tifen
Hor C'hleuziou ker alaouret,
Hon Tour dantelezet.

Eun deiz, pa êruo an termen
Ma vezo ret renta ar gont,
Dirac treid ar Barner Souveren,
Me gred n'em bezo qet a spont :
Me meus bepret an oll caret,
Ha va Jantonie ha me admiret
Hor C'hleuziou caër alaouret,
Hon Tour dantelezet.

FIN.

